

五先堂字學元元

五先堂字學元元卷之三

柳後學袁子讓仔有父著

三卷十九註廿六例題首

古十三門法所以盡切韻之變也有門法鑰匙則學者得以啓外鍵叩中局而門法未明則後學未疑等字先疑門法此門法所以註也詳玩註釋則庶幾可洞開重門而諸凡切例指掌可見矣諸門法惟音和易曉以其切從母聲從韻也其次則窠切振救正音憑切寄韻憑切喻下憑切日寄憑切諸門皆切從母揔之易見惟類隔輕重交互精照互用離母求韻其義難知非深於門法者不能得也然予亦疑古人制切何徑實如此如經世圖天聲一百一十二地音一

百五十二天聲并唱地音地音并和天聲自然之妙何嘗拘門法哉玄關歌訣蓋類分七音之切以括十三門之妙予并註之佐音和二例乃學切要訣在門法之內外音和二例在門法之外不互切不定門六例所以盡門法之變借切七例所以盡切母之變奇切四例所以盡切法之變後附二例則前所發明而重申其解門例雖多摠之或載在指掌圖而予採之或見於指南集而予收之或雜取經史之切細玩而案別之或不出十三門法之範圍反復而申言之使學者知切字之法其變化之多如此

總一十三門

音和門

類隔門

窠切門

輕重交互門

振救門

正音憑切門

精照互用門

寄韻憑切門

喻下憑切門

日寄憑切門

通廣門

偏狹門

內外門

十三門法附袁氏註

音和門七音

音和者謂切腳二字上者爲切下者爲韻先將上一字歸知本母於其韻等內本母下便是所切之字是名音和門故曰音和切字起根基等母同時便莫疑記取古紅公式樣故教學切起初知

袁氏曰切脚二字上者爲切乃先分牙舌唇齒喉也下者爲韻乃後分平上去入也切以審音韻以審聲以上之音叶下之聲便切得本字萬無一失盖一字之呼不過聲音二者以本字同音之字與本字同聲之字兩相調而和之豈不即是本字乎彼上切字已得本字之音而特未得其聲下韻字已得本字之聲而特未得其音切韻兩合則聲音兩得矣故切韻二字分之則各得本字之半合之則即爲本字之呼也故所謂反切者以聲翻調乎音謂之反以音下裁乎聲謂之切反即翻也如古紅切公字先將上一古字歸本母爲牙音見母下字而紅韻在通攝上一等平聲以牙下見母之音和東韻一等平聲則公字也豈不是古紅切公乎

門法中所謂先將上一字歸知本母於爲韻等內
本母下便是所切之字者其義蓋如此蓋以古得
公音紅得公聲以古之音和紅之聲自然唱和便
是公字如古寒則切干古衡則切庚古絳則切江
古豪則切高是古之音隨聲而和者也如德紅則
切東苦紅則切空祖紅則切宗烏紅則切翁是紅
之聲隨音而和者也餘皆以此推之此皆音和之
正也蓋音和者以音和聲音憑其切聲憑其韻故
切字門法以音和爲正其餘十二門法則或離切
求韻或離韻求切互相桷鑒學者難明然亦以先
賢如此種種作切故立門法者不敢據已見亦襲
故而臚列之爾然考六經載籍作音和切者十七
作十二門法切者十三於此便見音和之爲正矣

類隔門 舌音

類隔者謂端等一四爲切韻逢二三便切知等字知等二三爲切韻逢一四却切端等字爲種類阻隔而音不同也故曰類隔如都江切椿字徒減切湛字之類是也唯有陟邪切麥字是麻韻不定切

袁氏曰舌音下四等字其一等四等屬端等其二等三等屬知等以端等切則切端知等切則切知以韻從切如古見母即切見母公字此音和門之法也此類隔門法不然如以一四等字爲上切字而以二三等字爲下韻字則又不從母字切端而從韻字切知以二三等字爲上切字而以一四等字爲下韻字則又不從母切知而從韻切端是以

韻字爲類隔也。如都江切椿字。都端一等也。江韻在二等。則從韻切知二等字。是爲椿。如徒切湛字。徒定一等也。而減韻在二等。則從韻切。二等字。是爲湛。皆以韻類相隔。故離母而切之。惟陟邪切麥。韻逢四邪。仍切二麥。爲不拘此例。是去音中麻韻不定之切爾。然此門法之難也。使後學不知。不將以都江切當徒減切。坦耶。則何若端等切。端知等切。知以豬江切椿。以除減切湛。不令切者易用。學者易曉乎。他如同巾切陳。丁偽切綴。東與切主。徒旅切宇。他約切毘。徒買切薦。丁角切搔。汀札切獺。爲端類隔。中厚切斗。陟經切丁。智小切鳥。治洗切弟。丑虎切土。直工切同。敕動切恫。爲知類隔。皆此之例爾。

窠切門古音

窠切者。謂知等第三爲切。韻逢精等影喻第四。並切第三。爲不離知等第三之本窠也。故曰窠切。如陟遙切朝字。直猷切儔字。之類是也。

袁氏曰。此門法。謂知三等切字爲本窠。隨下韻字在何等。皆從切字之等。如陟遙切朝字。直猷切儔字。陟乃知三等也。即用喻四等。遙字爲韻。而仍切知三等。朝字。直乃澄三等。即用喻四等。猷字爲韻。而仍切澄三等。儔字。蓋切不離其本窠。所謂喻四之窠切也。不惟喻四爲韻。即韻逢精四。影四。皆然。後世窠切。如女爕切奉。治象切丈。知絕切致。直節切少。除小切兆。爲精四窠切。如張幼切晝。除翳切。齋直注切。鍾。爲影四窠切。皆韻逢第四。並切第三。

者蓋古音中類隔雖從韻。又有此一種不離切者在其中也。

輕重交互門 脣音

輕重交互者。謂幫等重脣爲切。韻逢有非等處。諸母第三便切輕脣字。非等輕脣爲切。韻逢一二四皆切重脣字。故曰輕重交互。如匹尤切。臙字。芳枯切。臘字。之類是也。

袁氏曰。此脣音門法。謂幫等重脣切重字。非等輕脣切輕字。然又有幫母一四等重切。而韻逢非三等之字。則互切輕脣字。如匹尤切。臘字。匹乃重脣切。而尤韻在三等。則互切輕脣之臘是也。非三等輕切。而韻逢幫下一四等之字。則互切重脣字。如芳枯切。臘字。芳乃輕脣切。而杯韻在一等。則互切

重脣之脍是也。是亦類隔之例。從韻而不從切也。然愚於此門法。及諸脣等子。並有疑焉。夫以舌齒爲例。一四宜幫。二三宜非。此何以一二四爲重。而獨三爲輕也。三既爲輕。而止二波鍍皮彌臻三彬。矜貧民効三鑣。○瀝苗。何又皆重脣字也。是三等尤有不盡屬非者。而幫全居四等矣。惟微阮文鍾凡廢虞七攝中。非僅居三等爾。載籍中如補歸切非。莫與切武。補初切夫。莫揣切尾。莫鉏切巫。不勿切田。氷霜切方。忙范切錢。未爽切周。爲重互輕。如武巾切。旻亡角切。蘊無純切。民符師切。皮無底切。米非水切。比非盍切。貝芳賣切。派亡皆切。蠶芳煩切。潘房陌切。白亡丙切。皿武船切。亡文高切。毛符小切。標爲輕互重。其法皆出於此。殊令學者難明。

如詩寤寐思服。服叶蒲北反。人皆誤蒲爲重屑切。勃。而不知其互切拂也。此類豈少哉。

振救門齒音

振救者。謂不問輕重等第。但是精等字爲切。韻逢諸母第三。並切第四。是振救門。振者舉也。整也。救者護也。爲舉其綱領。能整三四。救護精等之位也。故曰振救。如私兆切小字。詳邏切似字。之類是也。

袁氏曰。此從切不從韻。專爲齒音精等言也。言以精等爲切。即韻逢諸母之第三。而所切之字。則還歸精等之第四。所謂振救。蓋振舉精等之綱。而救護精等之位也。如私兆切小字。私精一等之心母字也。韻雖逢知三等之兆。却不切照二等字。必救。

使切精四等心母之小。如詳邈切似字。詳精四等之邪母字也。韻雖逢來三等之邈亦不切照二等。必救使切精四等邪母之似。其餘若草帛切此。自流切齒七者切且徐然切次相之切絲息林切心倉城切青宗理切子祖玉切足似而切詞皆精等爲切。韻逢第三并切第四。所謂振救也。

正音憑切門齒音

正音憑切者。謂照等第一爲切。照等第一。即四等中第二是也。韻逢諸母三四並切照一。爲正齒音中憑切也。故曰正音憑切。如楚居切初側鳩切鄒字之類是也。

袁氏曰。此謂照五母。若以第一等爲切字。作何法切。第一等。照之第一。乃四等之第二也。此等門法。

之切只憑其切勿問韻在何等即韻逢三等固切
照一也即韻逢四等亦切照一也蓋但從其所用
之切而不從其所逢之韻故謂之憑切如楚居切
初字楚乃穿一等也韻逢見三等之居而仍切穿
一等之初字又如側鳩切鄒字側乃照一等也韻
逢見三等之鳩而仍切照一等之鄒字皆憑照一
之等而切之他如山句切數仕羊切沐山清切生
士容切崇所居切疋皆此之類學者詳之可例見
矣

精照互用門齒音

精照互用者謂但是精等字爲切韻逢諸母第
三只切照一字照等第一爲切韻逢諸母第一
却切精一字故曰精照互用如士垢切鰕字則

減切斬字之類是也。

袁氏曰精照各五母則精宜切精等前振救門是也。照宜切照等正音憑切門是也。此又以精等爲切字而韻逢照母則互切照等中字以照等爲切字而韻逢精母則互切精等中字。此又從韻而不從切。如前類隔及輕重交互之例。故司馬公于此三門並謂之類隔也。如士垢切鯀字士照等切也。而垢在一等則互切精等之鯀。如則減切斬字則精等切也。而減在二等則互切照等之斬。皆離母從韻而互切之。使後學不知此例而泥用其切則誤鯀爲穰而誤斬爲咎者多矣。苟求其便亦莫若以鯀垢切鯀而以側減切斬也。庶乎如前振救門之精不互照正音憑切門之照不互精。大令易解。

爾。后世類分。如旬障切。尚辭冗切。檀徐制切。斯二徵切。稱詞昭切。韶此軟切。舛虀粉切。準爲精互照。如阻恒切。增測困切。寸山郭切。索側口切。走師故切。素書文切。荀水泥切。西射容切。從爲照互精皆出于此門。故並載之。

寄韻憑切門齒音

寄韻憑切者。謂照等第二爲切。照等第二。即等中第三也。韻逢一四。並切照二。言雖寄於別韻。只憑爲切之等也。故曰寄韻憑切。如昌來切。孺字。昌給切。蒞字。之類是也。

袁氏曰。前正音憑切。言照一。此寄韻憑切。言照二。皆從切而不從韻也。謂以照二爲切。而韻逢一四諸母。並切照二等之字。其韻雖寄於別母。只以所

切之等爲憑據也。如昌來切。禱字。昌照二等也。雖來韻在一等。亦憑照二而切。齊韻之禱字。讀如鵠。如昌給切。菹字。雖給韻在一等。亦憑照二而切。齊韻之菹字。讀如齒。乃其類也。學者每不知此。爲寄韻。多押來韻。讀禱如釵。押給韻。讀菹如藪。失其旨矣。后人作切。如真貨切。柘。唱歌切。車。出路切。處。水害切。世。船何切。蛇。齒夕切。赤。章似切。止。志多切。遮。是胡切。爰。章含切。占。船根切。神。專大切。制。水許切。暑。皆此門法。大概遇蟹果假。上下等不同韻。故寄韻切。獨三攝爲難爾。

喻下憑切門

喉音

喻下憑切者。謂單喻母下三等爲覆。四等爲仰。仰覆之間。只憑爲切之等也。故曰喻下憑切。如

余曰此通于事切颺字之類是也。

袁氏曰凡謂之憑切者皆從切而不從韻也。此門專指喻母而言。喻母下惟三等四等字多。故特舉言之。三等下臨四等有覆之義。故爲覆四等上承三等。若承藉之義。故爲仰。仰覆二等字皆憑切而取之。不拘其韻。如余招切。遙字。余在四等爲仰。雖韻逢三等之招亦憑四等切。遙如于聿切。颺于在三等爲覆。雖韻逢四等之聿亦憑三等切。颺也。其

余若尤宣切。員王思切。圍于橘切。戊于均切。雲皆喻下覆憑切。如羊者切也。弋律切。聿緇切。禽羊鳳切。用皆喻下仰憑切。揔之喻下憑切也。

日寄憑切門半齒音

日寄憑切者謂日字母下第三爲切韻逢一二

四並切切第三。故曰日寄憑切。如汝來切耑字。
儒華切接字。如延切然字。之類是也。

袁氏曰。日母諸攝四等。惟第三等有字。故只以第三之等爲切。他門法所謂憑切者。尚有別等可憑。彼不憑而獨憑所切之等也。此所謂憑切者。止此一。等。無別等可憑也。故韻雖逢一二四等。而只憑此切等。如汝來切耑字。儒華切接字。如延切然字。雖來韻在一等。華韻在二等。延韻在四等。而皆憑三等之切切三等也。后人類分之。如日官切。儒若吾切。儒如我切。惹爾痕切。人而口切。凡爲日寄憑切。一。如兒助切。如人士切。耳任楚切。汝爲日寄憑切。二。如而戢切。人賜切。二。忍歲切。內爲日寄憑切。四。皆出此門。皆寄韻別等。故名寄憑。若如連

切然。日震切。乃而升切。仍則韻三切。三。是音和矣。

通廣門唇牙喉音

通廣者。謂唇牙喉下爲切。歌曰。真諄脂韻以通名。仙祭清霄號廣門。韻逢知照三來日。通廣門中四上存。所謂通廣者。以其第三通及第四等也。故曰通廣如符真切頻字。芳連切篇字之類是也。

袁氏曰。此明諸攝中。有名通廣門者。謂其攝第四等字廣。而第三等切可通及之也。通廣歌中。意謂真諄臻攝。脂止攝。是通門。而仙山攝。祭蟹攝。清梗攝。宵効攝。是廣門者。惟以其攝四等有字。故凡唇牙喉切。雖韻逢知照來日三等之字。亦切至第四。此通廣門中例也。如符真切頻字。符乃唇切。逢照

三真韻而切及四等之類。如芳連切篇字。芳乃屑切。逢來三連韻而切及四等之篇。非以其四等字廣而能通乎。后人因之。如必履切七。去疾切。詰居水切。癸非失切。必皆屬通門。如語然切。研武船切。綿經善切。見彌釧切。面皆屬廣門。皆韻逢三等。而並切第四也。

偈狹門屑牙喉音

偈狹者。亦謂屑牙喉下爲切。歌云。東鍾陽魚蒸爲偈。尤鹽侵麻狹中依韻逢精等喻下四。偈狹三上莫生疑。所謂偈狹者。謂第四等字少。第三等字多。故曰偈狹。如去羊切。羗字。許由切。休字。之類是也。

袁氏曰。此明諸攝中。有名偈狹門者。謂其攝第三

等字多而第四等字少也。東鍾通攝。陽宕攝。魚遇攝。蒸曾攝。爲偁門。尤流攝。鹽咸侵深攝。麻假攝。爲狹門。諸攝四等字少。故凡胥牙喉切。雖韻逢精喻四等字。而四等無字。可切。故直切三上字。此偁狹門。例不必疑也。如去羊切。羗去乃牙切。逢喻四韻直切三等之羗。如許由切。休許乃喉切。逢喻四由韻直切三等之休。非以四等字少爲切。偁而狹耶。后人因之。如古胥切。居許陽切。香巨松切。蛩渠用切。共皆屬偁門。魚尤切。牛必盭切。砭居耶切。迦於習切。邑皆屬狹門。皆韻逢四等。而切歸第三也。大概通廣饒四饒三。而偁狹三饒四乏。若江攝四三併無。故無此兩門法也。

內外門。胥牙喉。古半舌。半齒音。

內外者。謂脣牙喉舌來日下爲切。韻逢照一。內轉切三。外轉切二。故曰內外。如古雙切江字矣。死切熊字之類是也。

袁氏曰。此明十六攝。其八名內轉。又其八名外轉者。謂各攝脣牙喉舌來日之切。若韻逢齒中照一等。在內轉攝中。便切第三等字。在外轉攝中。便切第二等字。蓋內轉之攝。牙舌脣喉下四音。皆無二等字。惟齒音二等。照一有字。故雖逢二等之韻。而他音下無二等字。可切。故只切第三。以二等字域于照一內也。故謂之內。外轉之攝。不獨齒中有照一。而牙舌脣喉四音。俱有二等字。故通可切二等。以二等字。廣于照一外也。故謂之外。此門皆專以二等之多寡而分也。如矣。死切熊矣。喉切。而內轉

喉下無二等。故切三之熊。古襲切江。古牙切。而外轉牙下有二等。故切二之江。是其例也。自是內外切法。如香楚切。許王所切。兩呼士切。喜古崇切。弓九數切。句公士切。几元初切。魚婦阻切。父皆從內轉。切三。如江卓切。珏牛要切。瓦亡瓜切。郊古梢切。交戶生切。行漁沙切。牙古生切。更皆從外轉。切二。學者詳之。至于果假同攝。古謂之內外混等。謂果內而假外。二門互相切也。然此門法。予有疑于果。并有疑于臻焉。夫內轉韻逢照一切三。而果止轄一等。照一三等。皆非所轉。何以謂之內。外轉逢照一切二。而臻攝屑牙喉下。並無二等字。何以謂之外。此則袁生所未識也。內外不定。其此之故乎。

袁氏解玄關七音歌註

牙音

切時若用見溪群

四等音和隨韻臻

照類兩中一作韻

內三外二自名分

精三喻四爲其法

偁狹須歸三上親

來日舌三并照二

廣通必取四爲真

袁氏曰此再申前門法而獨舉在牙音者首二句言音和門之牙切也牙音見四母每母全轄四等无他雜母故得隨韻之所逢而皆切本母下之字如古紅切公以一等韻切一等字古行切庚以二切二豈俱切區以三切三古賢切堅以四切四音憑其母聲從其韻所謂切隨母得聲隨韻臻也次二句言內外門之牙切也照類兩中一即照一也內外門中韻逢照一即以三二分內外如居霜切

三之姜是爲內轉。占雙切二之江是爲外轉也。又次二句言偈狹門之牙切也。牙音于。偈狹門中韻逢精雙喻四止切。第三如去羊切三之羗乃是偈門。巨鹽切三之鍼乃是狹門也。末二句言通廣門之牙切也。來專指來之三等日亦止有三等。照二即齒中三等舌三即知三亦舌中三等也。牙音于通廣門中韻逢諸母三等並切。第四如渠脂切四之祇乃是通門。居正切四之勁乃是廣門也。此皆門法中牙切例也。

古音無通廣偈狹門

一四端泥三二知

相乘類隔已明之

知逢影喻精邪四

窠切憑三有定基

正齒兩中一韻處

內三外二表玄微

古頭舌上輕分析

留與學人作指歸

袁氏曰。此明舌音中門法。首二句言類隔門之舌切也。一四雖端二三雖知。然韻以類隔。故得憑韻而互切。如都江切。椿徒減切。湛之類。前王鎰匙中已明言之矣。次二句。窠切門之舌切也。知三爲切韻逢影喻精邪第四並切第三。如門法中直猷切。儔直遙切。朝之類是也。又次二句。是內外門之舌切也。正齒兩中一。即是照一。內外門中韻逢照一。以三二分內外。如丁歷切三之知。是爲內轉。德山切二之德。是爲外轉也。末二句。是音和門之舌切也。前六句皆非音和。未分言端知。故此以分析爲言。蓋端逢一四則切端。如德紅切。東字。徒賢切。田字。知逢三二則切知。如陟姜切。張字。除閑切。鑑字。

乃其例也。

脣音

幫非爲切最分明

照一須隨内外形

來日古三並照二

廣通第四取真名

精雙喻四爲其韻

佻狹却將三上迎

輕見重形須切重

重逢輕等必歸輕

惟有東尤非等下

相逢不與衆同情

重遇前三隨重體

輕逢後一就輕聲

袁氏曰此歌申脣音中門法首言脣音音和門重

切逢重切重字如符公切蓬本豪切包之類輕切

逢輕切輕字如無迪切文未良切卞之類各歸其

母各從其韻毫無互混甚是分明也次句言脣音

分内外門亦是韻逢照一則内轉切三外轉切二

如夫側切三之通爲內轉布山切二之班爲外轉是也。三句四句言屑音于通廣門中亦是韻逢第三並切第四故來日舌三並照二皆韻逢三等也而並切四等字如符真三韻而切四之頻是爲通門芳連三韻而切四之篇是爲廣門是也。五句六句言屑音于佻狹門中韻逢精雙喻四只切第三如府容切三之風爲佻門是也符尤切三之浮爲狹門是也。七句八句謂屑切之輕重交互也輕切逢重韻切重字如武登切曹方閑切編之類重切逢輕韻必切輕字如匹尤切颺旁文切汾之類未四句前三者第三行之別名輕屑等也後一者第一幫等之別名重屑等也此四句謂東尤二攝非下之等又有輕重交互用韻而不交互切字重逢

前三之輕韻仍切重字。如莫浮切謀。莫六切目之。
類輕逢後一之重韻仍切輕字。如逢貢切鳳。扶岡
切房之類是也。

齒音無通廣。獨彼內外門。

精邪若見一爲韻。定向兩中一上認。

四二相連互用呼。四三還歸四名振。

照初却見四中一。互用還歸精一順。

逢三遇四盡歸初。正音憑切成規訓。

照二若逢一四中。只從寄韻三中論。

切三韻二不離初。精照昭然真可信。

袁氏曰。此以別齒音之門法。首二句是音和門中。

齒切兩中一。即精一等。以一等字爲韻。定向一等。

字切之。乃音和常例。如祖公切宗。才昆切存之類。

第三句是精照互用之齒切。謂精等爲切。韻逢四等第二韻與切相違。則互切照等字。此精互照者也。如蓋粉切。準則戒切。斬之類。第四句是振救之齒切。謂精等第四爲切。韻逢諸母第三。仍切精等第四。此韻在照。而不與照互用者也。如詳遷切。似私兆切。小之類。五句六句。亦精照互用之齒切。謂照等爲切。韻逢精等四中一。則互切精一等字。此照互精者也。如測困切。寸士垢切。鰕之類。七句八句。是齒中正音憑切法。謂照一爲切。韻逢第三。或遇第四。皆歸初切。照一如士尤切。愁是逢三歸初也。如山幽切。樛是遇四歸初也。九句十句。是齒中寄韻憑切之法。謂照二爲切。韻逢精等一四。並切照二。如昌給切。蒞昌來切。特之類。三中。即照二。以

其在等中第三也。末二句是寄韻之所不能無者。謂三等照二爲切寄韻于一等四等固切照二。若韻逢二等照一則又當切照一而不離其初如昌山切揮神常切牀之類此又不在寄韻之例也。

喉音

曉喻四音隨韻至

法同見等不差叅

韻三來日連知照

通廣門中四上擔

精喻四時何以辨

當于偈狹第三函

知逢照一言三二

喻母復從三四談

若逢仰覆但憑切

玄論分明有指南

袁氏曰此喉音之括也。首二句是音和門喉切韻隨四等而異如見等之例。喉音曉四母兼轄四等與見等同故亦得隨韻所逢而切之自不失母謂

之音和。若呼工切烘。亥庚切衡。於虔切焉。以輕切
盈之類。三句。四句。是通廣門喉切。韻逢來日知照
三等。皆切第四。如下珎切磬。爲通門。呼世切。爲
廣門。是也。五句。六句。是侷狹門喉切。韻逢精等喻
下四。只切第三。如許容切胃。爲侷門。許由切休。爲
狹門。是也。七句。是內外門喉切。韻逢照一。即以三
二而分內外。如天史切三倚。是爲內轉。戶叢切二
懷。是爲外轉。是也。末二句。是喻下憑切之法。故專
以喻母三四談之。喻三爲覆。四爲仰。仰覆皆憑其
切。如余招切遙。爲仰。于聿切颺。爲覆。是也。

半舌半齒音

來逢四類但音和
全得照初分內外

日止憑三寄韻歌
精雙喻四事如何

廣通偏狹憑三等

四位相通理不訛

玄妙欲求端的處

五音該盡更無過

袁氏曰。此言來日門法首句。是來等音和。亦隨四等至。歌云。未曉見幫居四等。是也。如盧工切。籠落庚切。磷力姜切。良利刑切。靈之類。二句。是日寄憑切之法。日母韻逢諸等。並切第三。如汝來切。箭汝延切。然之類。第三句。是來切。內外門韻逢照一。內轉切三。如力衰切。藥是也。外轉切二。如落省切。冷是也。日切無二。不能分內外。四句。五句。六句。是通廣偏狹門法。來切韻逢精雙喻四通。廣偏狹門中皆切第三。蓋謂來切四門相通。非如他母之別。如力小切。撩是廣門。力遂切。類是通門。良蔣切。兩是偏門。力鹽切。廉是狹門。皆切第三等字也。雖廣門

中。蟹山效梗俱有四等。然逢三切三。不得及四。則四須音和切之。故曰。皆憑三等爾。日母唯三等。于通廣門無四可切。在侷狹雖韻四切三。亦日寄憑切。不以此門論也。

泛論佐音和五例

泛論憑韻之例

袁氏曰。凡切字上母字同一字。而所切之字不同者。以下韻字不同爾。切法如巨箕切其字。巨容切窮字。母實同一巨也。又如戶磷切行字。戶棱切恒字。母實同一戶也。蓋母雖同孕。韻各有分。故母一而切殊。然以音尋聲。雖千百其轉。皆其一母之所出也。此爲母傍韻行。司馬謂之憑韻。此在音和門中。一唱能調百和。蓋即母求韻之常法也。至于類

隔之憑韻。不問端知。齒中之憑韻。不問精照。輕重之憑韻。不問後一前三。皆憑韻而取。不顧其母。又離母求韻。非音和所能盡者。又推而至于內轉之照。一切三。通廣之韻。三切四。偏狹之喻。四切三。即韻亦不必盡憑。學者可無盡其變。

泛論憑切之例

袁氏曰。切字之法。韻同一字。則視其切字而別之。有一韻而可十數切者。如時人切辰字。蛇人切神字。知人切珍字。韻固同一人也。而所切各別。皆辨之于母字也。蓋韻雖一類。母各不同。故母變而切變。然以聲尋音。即屢易其母。皆其一韻之所押也。司馬公謂之憑切。此在音和門中。一和能應百唱。亦定法也。予于此特舉而重悉之。其他若知窠之

憑切。不拘韻四。振救之憑切。不拘韻三。正齒照一之憑切。不拘三四。寄韻照二之憑切。不拘一四。日寄三等之憑切。不拘一二四。喻下仰覆之憑切。三不拘四。四不拘三。若者。離韻求切。又憑切之變。未可概以音和論也。

泛論開合攝作切例

袁氏曰。音和門法。音從切。聲從韻。韻有開合。逢開韻。便切開字。逢合韻。便切合字。此定式也。門法玉鑰匙。有辨開合不倫例。謂諸韻切法。皆有定式。惟開合一門。絕無憑據。如蒲干切。槃下沒切。紇俱萬切。建是也。夫以開干而切。合槃。以合沒而切。開紇。又以合萬而切。開建。謂之無憑據。其說良是。但以愚觀之。開合互切不倫。誠有如數切者。但切法原

分。開切。開合切。合本自有倫也。可以數切。概乎。如戶圭切。哇。而戶雞切。奚。如與之切。夷。而與追切。維。如居夷切。饑。而居惟切。龜。如息移切。思。而息遺切。緩。止齊攝。開合之倫也。如魯哀切。來。而魯回切。雷。如戶開切。孩。而戶恢切。槐。如古孩切。皆。而古懷切。垂。蟹攝。開合之倫也。如力珍切。鄰。而力迄切。倫。如側鄰切。貞。而側淪切。諄。如昌辰切。瞋。而昌純切。春。臻攝。開合之倫也。如落干切。闌。而落官切。鑾。如多干切。卑。而多官切。端。如古寒切。干。而古桓切。官。山攝。開合之倫也。以此例求之。後果宕曾梗諸攝。莫不皆然。何嘗不倫哉。予故辨之。以示學者。使知開合從韻。爾其餘不倫者。亦附在開合不定例中。

泛論上下等作切例

袁氏曰音和門法音從切聲從韻然韻不獨有開合尤有上下等分焉故切脚常法分上下等如逢上等韻則切上等字逢下等韻則切下等字此定式也如効攝用落字切可以切勞亦可以切聊須從何辨當知落騷切勞而落宵切聊以勞騷同上等而聊宵同下等也用作字切可糟亦可焦須從何辨當知作曹切糟而作樵切焦以糟曹同上等而焦樵同下等也如宕攝用七字切可倉亦可鏘須從何辨當知七剛切倉而七姜切鏘以倉剛同上而鏘姜同下也用去字切可康亦可羗須從何辨當知去卽切康而去良切羗以卽康同上而良羗同下也凡切脚之用不拘窠切振救等例者以此分等求之則亦養由基之矢百不失一笑

泛論清濁聲作切例

袁氏曰音和門法音從切聲從韻然音中有清濁之分前字母清濁之辨則既詳之矣而翻切之用即此分焉如用清切即切清字不問逢濁韻也如用濁切即切濁字不問逢清韻也學切脚者但知求清濁于韻字而不知求清濁于切字蓋切字即用本母下之字而本母有清濁則所切自分清濁是清濁之別分在上切字非分在下韻字也如古紅切公字德紅切東字紅濁韻也而切公東之清以古德皆清母之切字也故雖逢濁韻仍切清字如是支切匙字以支切移字支清韻字也而切匙移之濁則以是皆濁母切字也故雖逢清韻仍切濁字予自幼粗知切脚時嘗謁吾鄉有先輩知

字學元元
切韻者嘗以先蘇前切及前徂先切問之曰前濁聲也蘇前當切涎何以切先先清韻也徂先當切千何以切前其人不能對蓋予亦初以韻求清濁也及查等子蘇同先在清母徂同前在濁母而後乃知其從切也予故并記之以眎學者

外音和二例

就形音和切例

袁氏曰字學指南有就形切例歌云脣牙喉切四中三韻值諸音一上祭開合果然無有字就形必取第三函蓋言脣牙喉下如以三等字爲切而韻值一等則當循音和門法切一等字矣然或其攝中脣牙喉下無一等字則仍切三等之字謂之就形者缺一而就三也如俞論切筠字魚登切凝字

渠橫切求字。巨汪切狂字。郡都切渠字。近安切乾字。求科切癘字。皆屑牙喉下三等之切。而韻逢一等字。然其音中無一等字可切。故皆就三而爲切。爾此不盡拘于音和者也。

勑立音和切例

袁氏曰。指南有勑立四等音和例。歌云。出切見幫共淺喉韻逢三。假宕咸流。詳推本眼無斯字。勑立須歸第四謀。蓋亦言屑牙喉下之切。若韻逢第三等。而倘本眼無三等字可切者。將何以切之。變通其窮。宜切歸第四矣。勑立者。非其韻逢之等。更勑求一等也。如假攝以遮切耶字。宕攝與章切陽字。咸攝戶廉切嫌字。流攝必浮切彪字。皆屑牙喉切。韻逢三而勑切四者。亦音和之變也。

脣中不互切二例

前三後一例

袁氏曰指南有前三後一。歌云通流二攝不同常切一韻三後一詳韻一切三非上取不須向外更商量言脣音有交互之法輕互切重而又有前三之例在通流二攝輕脣逢重韻仍切輕字如扶紅切逢方口切缶扶方輕切也而韻逢一之紅一之口仍于輕脣切逢切缶所謂韻一切三非上取也交互之法重互切輕而又有後一之例在通流二攝重脣逢輕韻仍切重字如蒲龍切逢莫浮切謀蒲莫重切也而韻逢三之龍三之浮仍于重脣切逢切謀所謂切一韻三後一詳也然此例之法是憑韻中之憑切此不過申而言之然其義已析于

脣音玄關歌訣中矣。

非家憑切例

袁氏曰指南輕脣切歌云。非家憑切是輕呼微阮文鍾凡廢虞七韻。介中三等是韻行一二取非敷此言輕脣憑切也。輕重交互門法。輕脣逢重韻。切重字。而玄關歌訣言東流二攝。不然。輕脣雖逢後一。仍切輕聲。即前所謂韻一切三。非上取也。此例又推廣七攝之切。皆韻行一二。仍取非敷。不切東流爲然。如甫吹切。非字。符槃切。煩字。方逋切。夫字。扶盆切。墳字。亡模切。無字。扶當切。房字。防感切。范字。無患切。萬字。芳配切。肺字。皆七攝之中。輕逢後一。而就輕聲者也。

不定門四例

通廣不定例

袁氏曰。通廣門法。唇牙喉下爲切。韻逢來日知照三等切。及第四以通廣門中。四等字多。故可韻三而切四也。然又有通廣不定之例。則以本母切下。四等或無有字。不得不切歸第三。難執通廣之定法矣。此是通廣門中。亦有偏狹處。如五追切危許淪切薰。此喉牙下切。而韻逢來知三者。然其疑曉二母下。四等無字。故于三切危切薰。是通門之不定也。如魚專切元。必逞切丙。此牙唇下切。而韻逢知照三者。然其疑幫二母下。四等亦無字。故于三切元切丙。是廣門之不定也。此二者。若必以通廣韻三切四之法拘之。則難爲切矣。故不定者。所以曲盡其變也。

佻狹不定例

袁氏曰。佻狹門法。唇牙喉下爲切。韻逢精雙喻四切。歸第三。以佻狹門中。四等字少。故雖韻四。而仍切三。法至定也。此復有佻狹不定之例。則亦以本母下。三等或無字。而四等反有字。不得不切。及第四。則佻狹切三之法。又一變矣。此是佻狹門中。亦有通廣處。如皮養切。駟皮。唇下切。而韻逢喻四者。然其並母下。無三等可切。故于四切。駟是佻門之不定也。如居酉切。赳米。耶切。咩。居米牙。唇下切。而韻逢喻四者。然其見明二母下。無三等可切。故于四切。赳切。咩。是狹門之不定也。蓋佻狹門中。有不盡通廣之妙。學者不可以泥而求也。

內外不定例

袁氏曰。內轉門法。韻逢照一諸母。便切第三。外轉門法。韻逢照一諸母。便切第二。此一定而不易者也。然又有內外不定之例。內轉門法。或切下二等。有字。則不必切三。如布蓑切。陂戶霜切。航皆內轉。韻逢照一也。而脣喉下。或有二。故切陂。或無三。故切航。是內轉有時不切三。此內轉之不定也。外轉門中。或切下二等無字。則不得不切三。如東臻切。珍。于銓切。員。皆外轉。韻逢照一也。而舌喉切下。二等無字。故于三切珍。切員。是外轉又有時切三。外轉之不定也。大抵果不合內。臻與後咸不合外。內外不定。從此兩攝起。爾知音善悟之士。勿疑其幻而難執也。

開合不定例

袁氏曰凡切字開合從韻韻開切開韻合切合亦至定也然或于合攝行韻而合口母下無字可切則不得不于開口母下切之如居萬切建之詠切正山揣切史皆以合而切開是謂之開不定又或于開攝行韻而開口母下無字可切則不得不于合口母下切之如蒲干切盤于方切王徐寅切句皆以開而切合是之謂合不定凡此皆字值其窮故切通其變乃有此不定之例而要之至定者固自在也前泛論開合作切之例乃其至定之法學者味之當自得爾

借切七例

群匣二母借切例

袁氏曰。群屬于牙。匣出于喉。原無假借。然後世有群匣二母借切之法。如騎馬切下。奇門切魂。渠猱切豪。騎虎切戶。騎狼切航。旗竿切寒。皆群母切也。而各攝群下等中無字。故借切匣。如下驢切渠。荷香切強。下惟切達。和詩切奇。皆匣母切也。而其各攝中匣下等中無字。故又借切群。凡此借切之例。或以此無借。彼有。或以彼無借。此有。要亦變而通之。爾此下六例。皆古人作切之巧。以難後學者。亦即以前不定之門。推之。彼不定門。此不定母。揔之一理。固不必盡泥也。

疑泥二母借切例

袁氏曰。疑泥有牙舌之別。而用音作切。其分辨只在毫釐之間。故或值其乏。兩母亦轉相借。如倪登

切能魚些切腫倪魚皆疑下切也。而等下無字可切。故于泥下借切能而借切腫。又如奴恩切垠泥圭切覲奴泥皆泥下切也。而等下無字可切。故于疑下借切垠而借切覲。蓋以其所無借其所有。故交互而作切。不得復拘之于本母下也。

群明二母借切例

袁氏曰。古人作切。又有群明借切者。亦與前例同。如磨針切琴磨明切也。而深攝明母下無字可切。故借切群之琴。又如渠多切摩渠群切也。而果開攝群母下無字可切。故借切明之摩。此皆前人所作之切。後學固不可拘其切。亦當得其意。使一遵音和。以磨多切摩。以渠針切渠。各就母下所有。而作本母之切。則不惟觀者易諳。即借亦贅疣矣。

從邪二母借切例

袁氏曰。從邪同在齒頭。故有無尤易爲相借。如才
晉切。賁。齊。疽。切。徐才齊皆從下切也。而等下無字
可切。故于邪下借切。賁。借切。徐是爲從借邪也。如
祥。門。切。存似焦切。顛。祥似皆邪母下切也。而等下
無字可切。故于從下借切。存借切。顛是爲邪借從
也。愚意後世讀詳多如牆。讀詞多如慈。讀隨多如
塵。讀尋多如情。讀邪多如查。皆由從邪借母。故互
相混讀也。學者知其爲借切之故。則彼此了然矣。

床禪二母借切例

袁氏曰。床禪同在正齒。其互相借切。與從邪同。如
上。慳。切。戲。時皆切。豺。誰家切。查。上時誰皆禪母下
切也。而等下無字可切。故切戲切豺切查皆于床

母下借切之如蛇僂切常食兒切匙神庶切蟾蛇
食神皆床下切也而等下無字可切故切常切匙
切蟾皆于禪下借切之是爲床禪相借之例也又
意後世讀食多如失讀神多如辰讀蛇多如闇讀
脣多如純讀成承多如呈讀禪多如經讀離多如
儔皆床禪二母相借有以致之學者不可不辨也
匣喻二母借切例

袁氏曰司馬公枯掌圖有歌曰匣缺四三喻下覓
喻虧一二匣中窮上古釋音多具載當今篇內少
相逢此亦前借切者之例也如戶歸切幃字戶乃
匣母切而止攝中匣母下無字故切喻下之幃所
謂匣缺三四喻中覓也如于古切戶字于乃喻母
切而遇攝中喻一等無上聲字故切匣中之戶所

謂喻虧一二匣中窮也。此亦前者借切之例。不可爲常。亦莫若以胡古切戶。而以于歸切幃。爲可據爾。

日母借切例

袁氏曰。司馬公指南圖有歌曰。日下三爲韻。音和故莫疑。二來嫌處取。一四定歸泥。此門法外寄切之例也。言日下只有三等爲切。使韻亦逢三等。則以日交切。饒如真切仁。更何疑乎。有韻逢二者。若如肴切。饒肴在二等韻。日實無二等字。則寄切嫌二等之饒。所謂二來嫌處取也。有韻逢一四者。若如增切。能增在一等韻。日實無一等字。故切泥一等之能。又若如精切寧。精在四等韻。日實無四等字。則切泥四等之寧。所謂一與四定歸泥也。予謂

此例日與泥孃音迥不同。非前例匣喻同在喉音可疑也。泥孃下豈無字可切。以奴精切寧而初着切銑不亦可乎。何乃以日爲切也。則此例亦贅矣。奇切四例。

雙聲切字例

袁氏曰切字之法皆下取同韻字。無即以本字爲韻者。古乃有雙聲切法。即以本字爲韻。如和會二字爲切。仍切會字。又如章灼切。仍切灼字。如良畧切。仍切畧字。同歸一母。只是下爲韻之字。便是所切之字。此外更無切也。取其與下聲字同。故曰雙聲切。惟類隔交互用。及憑韻音和有之。蓋在憑韻之門。故得以本字爲聲也。此等切古人用之。各載籍仍不敢違。然予疑前人何以爲此切也。和貴

不可切會乎。章畧不可切灼乎。良灼不可切畧乎。併存以俟高見。

疊韻切字例

袁氏曰。凡切字上所用切者。只以同母之字爲之。豈卽以所切之字爲切字哉。乃古人翻切亦有用本字爲切者。謂之疊韻切法。蓋切字卽所切。若與韻相疊也。如商量二字爲切。仍切商字。蓋量同商一韻。以本攝歸本母。覓本等之平聲。只是商字無他切也。他如章卽切章字。灼畧切灼字。齒齒切齒字。市止切市字。皆此之類。又如龍鍾切癰。潦倒切老字。意亦祖此。惟憑切音和。及窠切正音寄韻。日寄喻下諸憑切門有之。蓋在憑切之門。故得以本字爲切。爾顧子反覆求其義。不知何以說也。始以

我而切我。旣切我而還得我。何取于切乎。前雙聲以本字爲聲。此疊韻以本字爲音。兩例實同一律。然亦偶一見之。未足盡概也。

同聲作切例

袁氏曰。切脚二字。上用同音字。然少用同聲者。同音而同聲。則嫌于似所切之字矣。而古人亦有同聲作切之例。如羗江切腔。陵真切鄰。倪罵切冢。切字與所切之字。同平聲也。如子禮切濟。里弟切豐。切字與所切之字。同上聲也。如劒彦切建。近鄭切競。切字與所切之字。同去聲也。如逼密切筆。色櫛切趾。側革切責。七漬切束。食亦切射。陟立切繫。必亦切辟。息列切契。匹亦切僻。直炙切擲。色月切索。得悉切窒。切字與所切之字。同入聲也。此幾與重

韻例無異。但其毫釐之分。特在韻字與切字各攝。故羗從江切。腔子從禮切。濟近從鄭切。競食從亦切。射使非韻。各有屬。則羗江切。仍得羗字。食亦切。仍得食字。寧有辨乎。此切例往往有之。不可不知也。他如茂后切。母字。市制切。溼字。婢世切。敝字。則茂去而后上。市上而制去。婢上而世去。不在此例。蓋讀者誤以后市。婢爲去爾。

同音作韻例

袁氏曰。切法下韻字。直取同聲。不必同音。同聲又復同音。則同其字。雙聲切例是也。然載籍中切脚所用韻字。又有不卽與所切者同字。而同一讀者。是謂同音作韻之例。如弋約切。龠字。呼化切。樺字。以于切。余字。尸甚切。沈字。思叙切。涓字。許效切。孝

字堂託切鐸字息續切栗字芳婢切秬字約與龠
化與樛于與余甚與沈敍與涓敍與孝託與鐸及
續與栗婢與秬皆同一讀也而獨其上所用之切
字不同故弋從喻下切龠呼從曉下切樛以從喻
下仰切余尸從審下切沈思從心下切涓許從曉
下切孝堂從定下切鐸息從心下切栗芳互從滂
母切秬雖其所切之字與韻字同讀然各有清濁
之母所謂同之異也此又雙聲之變也

附重申二十六母互切例

袁氏曰古等子喉牙來日下無重母惟舌有端知
脣有幫非齒有精照雖舌中一四分端等二三分
知等齒中一四分精等二三分照等脣中非或有
三等然而同在一音多有隨韻互用處是以門法

中于舌音有類隔之用。而端知透徹定澄泥孃皆相互切。于唇音有交互之權。而幫非滂敷並奉明微皆相互切。于齒音有互用之法。而精照清穿從床心審邪禪皆相互切。從等而分。從韻而合。其例如此。予嘗概而舉之。類隔之例。有以丁互貞。都互猪。陟互窒。者。有以勅互他。徒互除。者。輕重交互之例。有以方互邦。匹互拂。者。有以芳互滂。符互蒲。皮互扶。者。有以無互模。亡互忙。母互武。者。精照互用之例。有以則互側。止互子。者。有以差互釵。士互紫。三互山。者。學者皆當通曉。此例隨其韻之所逢。互相切翻。庶乎端等所無。則求之知。幫等所缺。則尋之非。精等所乏。則索之照。或可得其參伍之變。爾然前門法中已詳言之矣。

附申麻韻不定切例

袁氏曰類隔門法末句云惟有陟邪切麥字是麻韻不定切麥作爹而指南有歌云爹字陟邪不定門窠三開合自評論韻逢影喻精雙四知二無時端二陳端二亦謂爹也信斯言也是都江從江二切椿二爲無端一而切知一也陟邪從邪四切爹四爲無知二而尋端二也此皆類隔從韻之切其例正相合所謂一定者也而門法乃謂惟有此切不定其說難通以予臆度之陟邪乃切爹字蓋舌音類隔從韻作切而此陟邪切獨不從韻而從切知等之爹與都江切椿徒減切湛之例不同故曰惟有此切不定爾此在門法中予已正之而未詳其說故于此復申一辨以俟朗識者

字學元元

五先堂字學元元卷之三終